



25-12-2025

KANTON SARAJEVO

Broj: 14-02-04-06312/25

Datum: 23. 12. 2025. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
ul. Reisa Dž. Čauševića br. 1
71000 Sarajevo
N/r Elvedin Okerić, predsjedavajući

PREDMET: Odgovor na zastupničku inicijativu, dostavlja se;

VEZA: Vaš akt, broj: 01-04-31603-56/25 od 19.11.2025. godine

U skladu sa Vašim aktom, broj i datum veze, kojim ste nam dostavili zastupničku inicijativu zastupnika Sebiće Izetbegović i Faruka Selanovića od 19.11.2025. godine, a koja glasi:

" Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj: 41/12, 15/13, 47/13, 47/15, 48/16) , upućujem inicijativu Kantonalnoj upravi za inspekcijske poslove Kantona Sarajevo, Inspektorat sanitarne, zdravstvene, farmaceutske inspekcije i inspekcije za hranu da izvrši usmjereni inspekcijski nadzor u KJU Gerontološkom centru Sarajevo, kao i u drugim privatnim ustanovama za smještaj starijih osoba registrovanim na području Kantona Sarajevo.

Zahtjevam da se nadzorom utvrdi da li nevedene ustanove ispunjavaju sve zakonske uslove u pogledu sanitarno-higijenskih standarda, zdravstvene ispravnosti i kvaliteta smještaja korisnika, pravilnog rukovanja, pripreme i skladištenja hrane, kao i propisanih farmaceutskih standarda u vezi s čuvanjem, izdavanjem i primjenom lijekova, uključujući i uredno vođenje evidencija i procedura koje se odnose na zdravstvenu zaštitu korisnika, kako bi se osiguralo da sve ustanove koje brinu o starijim licima rade u skladu s važećim propisima i obezbjeđuju sigurne, higijenski ispravne i adekvatne uslove boravka. ", obavještavamo Vas sljedeće:

Tokom 2025. godine Inspektorat sanitarne, zdravstvene i farmaceutske inspekcije i inspekcije za hranu izvršio je ukupno 31 inspekcijski nadzor u ustanovama socijalne zaštite, javnog i privatnog karaktera. Od navedenog broja inspektori su postupali po 8 zahtjeva građana ili institucija, te vršili usmjerene inspekcijske nadzore, dok se preostali broj odnosi na redovne i kontrolne inspekcijske nadzore.

24-12-2025

Tokom izvršenih inspekcijskih nadzora izdato je 16 rješenja kojima su naložene mjere o otklanjanju utvrđenih nepravilnosti ili nedostataka, te je privremeno zabranjen rad uposlenicima za koje je dostavljena informacija Zavoda za javno zdravstvo Kantona Sarajevo o utvrđenom kliconoštvu tokom sanitarnog pregleda. Izdato je i jedno rješenje kojim se privremeno zabranjuje pružanje zdravstvenih usluga do pribavljanja rješenja Ministarstva zdravstva, ustanovi koja je organizovala rad kao socijalna ustanova, međutim u momentu kontrole ista nije pribavila rješenje za pružanje i zdravstvenih usluga, kako je zakonom propisano.

Nadzori su vršeni i od strane kantonalnih sanitarnih inspektora koji su utvrđivali ispunjenost sanitarno-higijenskih uslova, te postupali prema informacijama JU Zavod za javno zdravstvo Kantona Sarajevo, a koje se odnose na zabrane rada kliconošama, nadzor radi pojave bolničkih infekcija, te je naloženo da se provedu sve mjera za sprečavanje i suzbijanje širenja infekcije, uz stručnu podršku i preporuke u skladu sa Izvještajem o epidemiološkom izviđanju stručnog tima JU Zavod za javno zdravstvo Kantona Sarajevo.

Najčešće nepravilosti u ustanovama socijalne zaštite iz oblasti sanitarne inspekcije odnose se na neprovođenje preventivnih mjera dezinfekcije, dezinfekcije i deratizacije, te kontrole rada kliconoša, dok iz oblasti inspekcije za hranu najčešće nepravilnosti odnose se na sanitarno-higijenske uslove unutar kuhinjskog prostora, nepotpuna dokumentacija kontrole štetočina, nagomilavanje hrane kojoj je istekao rok upotrebe iz donacija zbog neblagovremenog uklanjanja, neblagovremeno obnavljanje obuka i treninga uposlenika koji rukuju hranom, dokumentacija uspostavljenog HACCP sistema se ne ažurira u skladu sa izmjenama, te propusti u održavanju implementiranog sistema samokontrole.

Iz oblasti zdravstvene inspekcije najčešće nepravilnosti odnose se na angažman zdravstvenog kadra, te vođenje evidencija iz oblasti zdravstva.

Izrečena su 2 prekršajna naloga sa ukupnim novčanim kažnjavanjem u iznosu od 4.000,00 KM, za nepostupanje po izdatoj mjeri kantonalnog zdravstvenog inspektora, a nakon čega je daljom službenom kontrolom utvrđeno da je subjekt nadzora zatvorio ustanovu socijalne zaštite.

Kada su u pitanju inspekcijski nadzori u KJU "Gerontološki centar" Sarajevo, sa sjedištem u ulici Aleja Bosne Srebrene broj 7, Novi Grad Sarajevo, zdravstveni inspektori su vršili sveobuhvatne inspekcijske nadzore i izdali upravne mjere za otklanjanje utvrđenih nedostataka koje se odnose na vođenje evidencija i upotpunjavanje uvjeta kadra, uz napomenu da je zdravstveni inspektor donio rješenje, broj: UP-1-14-10/26-33-17301/24 od 14.10.2024. godine kojim je u tački 2. naloženo, da se upotpune uvjeti kadra za poslove njege, rehabilitacije i medicinske konsultacije starih i nemoćnih osoba kako slijedi:

- jedan fizioterapeut sa punim radnim vremenom na 40 korisnika,
- jedna njegovateljica sa punim radnim vremenom na 10 korisnika.

Subjekt nadzora je izjavio žalbu na navedeno rješenje, te je drugostepeni organ istu odbacio kao neosnovanu i potvrdio rješenje postupajućeg inspektora. U vezi izvršenja upravne mjere subjekt nadzora je podnio zahtjev za produženje roka za izvršenje gore navedene uprave mjere, te dostavio dokaze o upošljavanju 15 njegovatelja i 1 fizioterapeuta. Postupajući po navedenom zahtjevu te imajući u vidu činjenice navedene u istom, subjektu nadzora je produžen rok za izvršenje navedene upravne mjere za 180 dana koji je počeo teći od 16.07.2025. godine.

Imajući u vidu da je u momentu kontrole utvrđeno da je u subjektu nadzora smješteno 347 korisnika, te činjenicu da član 7. Pravilnika o uvjetima prostora, opreme i kadra kojima se osiguravaju mjere zdravstvene zaštite za obavljanje zdravstvene njege i rehabilitacije u ustanovama socijalne zaštite na području Kantona Sarajevo ("Službene novine Kantona Sarajvo",

Akt pripremila: Selma Suljević

broj: 80/15) propisuje broj kadra obavljanje za poslove njege, rehabilitacije i medicinske konsultacije starih i nemoćnih osoba u omjeru kako je to definisamo gore navedenom upravnom mjerom, prema obrazloženju rješenja drugostepenog organa potrebno je na navedeni broj korisnika obezbijediti rad 9 fizioterapeuta i 35 njegovatelj/ica. Prema dokazima dostavljenim u zahjevu za produženje roka subjekat nadzora je uposlio 29 njegovatelja i 4 fizioterapeuta, te radi izvršenja gore navedene upravne mjere i usklađivanje broja kadra kako je to gornjim propisom definisano potrebno je uposliti još 5 fizioterapeuta i 6 njegovatelj/ica.

Slijedom navedenog, predmetna informacija dostavljena je i ministrima Ministarstva zdravstva Kantona Sarajevo, te Ministarstva za rad, socijalnu politiku, rtaseljena lica i izbjeglice, kao članovima Vlade Kantona Sarajevo koja je osnivač predmetnog subjekta nadzora, na znanje radi zaštite zdravlja građana, a sve s ciljem osiguranja propisanog broja kadra radi kvalitetnijeg pružanja usluga zdravstvene njege i rehabilitacije korisnicima koji su smješteni u KJU "Gerontološki centar" Sarajevo.

Takođe, dana 03.12.2025. godine, kantonalni sanitarni inspektor je izvršio inspekcijski nadzor u KJU "Gerontološki centar" Sarajevo, kojom prilikom nisu utvrđene nepravilnosti iz nadležnosti sanitarne inspekcije.

Tokom mjeseca novembra i tekućeg mjeseca decembra 2025. godine, vršeni su inspekcijski nadzori u ukupno osam privatnih ustanova socijalne zaštite.

Nadzori su vršeni u mješovitim timovima zdravstveni, sanitarni, inspektor za hranu, ovisno o procjeni da li su vršeni nadzori tokom 2025. godine po istom osnovu, sa inspektorima rada, inspektorom socijalne zaštite, inspektorom u oblasti zaštite na radu i/ili saobraćajnim inspektorom.

Ovom prilikom, kantonalni zdravstveni inspektori izdali su ukupno šest rješenja o otklanjanju utvrđenih nedostataka i kod tri subjekta izrekli privremene zabrane rada zdravstvenim radnicima, te izrekli novčane sankcije u ukupnom iznosu od 1.950,00 KM.

Najčešće utvrđene nepravilnosti odnose se na nedostatak kadra, nevođenje medicinske dokumentacije, neposjedovanje važećih licenci za samostalan rad.

Kantonalni sanitarni inspektori su izdali ukupno tri rješenja o otklanjanju nedostataka, a koji se odnose na sanitarno-higijenske mjere.

Kantonalni inspektori za hranu su izdali ukupno tri rješenja o otklanjanju nedostataka, a koji se odnose na opšte i specifične uslove higijene hrane, ispunjavanje zahtjeva koji se odnose na mogućnost sljedivosti hrane, kao i zahtjeve koji se odnose na sistem samokontrole.

Vezano za kontrolu farmaceutskih standarda, odnosno izdavanja i primjene lijekova, isto nije jasno precizirano kako bi se mogle vršiti kontrole iz nadležnosti farmaceutske inspekcije, nego isto vrše zdravstvena inspekcija, bazirajući se na zakonske propise iz oblasti zdravstva.

Posebno ističemo, bez obzira na podkapacitiranost Inspektorata sanitarne, zdravstvene, farmaceutske inspekcije i inspekcije za hranu, da su ustanove socijalne zaštite prioritet prilikom inspekcijskih kontrola.

Kontrola privatnih ustanova socijalne zaštite vršena je, kako je prethodno navedeno, i od strane Inspektorata rada, zaštite na radu, socijalne zaštite i sporta kom prilikom su izdata 22 rješenja o otklanjanju nedostataka i 4 rješenja upozorenja, te izdati prekršajni nalozi u iznosu od 70.280KM. Navedeni prekršaji ticali su se postupanja suprotno čl. 24. stav 1. i 3., čl. 118., Zakona o radu ("Sl. novine FBiH", br. 26/2016, 89/2018, 23/2020 - odluka US, 49/2021 - dr. zakon, 103/2021 - dr. zakon, 44/2022 i 39/2024), čl. 22. Zakona o zaštiti na radu ("Sl. novine FBiH", broj 79/20) i

Akt pripremila: Selma Suljević

Pravilnika o opštim i posebnim uslovima za osnivanje ustanova socijalne zaštite ("Sl. novine Kantona Sarajevo", br. 24/10, 46/15, 9/16 i 9/22).

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a



DIREKTOR

Adis Mešić

Akt pripremila: Selma Suljević

Adresa: Aleja Bosne Srebrene bb, 71 000 Sarajevo
Tel: + 387 (0) 33 770-100, Fax: + 387 (0) 33 770-151
Web: <http://kuip.ks.gov.ba>, Mail: kuip@kuip.ks.gov.ba